

NORÜ TOMAËXPÜX GA POPERA GA CUÁÛ ÜMATÜXÜ

Cuáü rü Gayumaã nataãe

¹Pa Chaueneë, Pa Gayu i Aixcüma Cuxü Changechaüxëx, rü cuxçax chanaxümatü i choma i Cuáü i yaxögüxüärü äëxgacü na chiixü. ²Pa Chaueneëx, Tupanana chaca na meã cuxna nadauxüçax i curü maxüwa rü cuxunewa, ngëma curü öwa cuxna na nadauxürrü. ³Rü poraäcü chataãe ga yexguma núma naxixgu ga ñuxre ga taeneëgü, rü chomaã nüxü yaxugügu ga cuchiga na ñuxäcü meã cuyaxöxü i Tupanaärü ore i aixcüma ixixü, rü guxüguma meã naga na cuxinüxü. ⁴Rü guxüguma chataäexüchi i ngëxguma nüxü chaxinügu na ñuxäcü Tupanaärü ore nüxü ixuxüäcüma meã namaxëxü i chauxacügü. Rü aixcüma nataxuma i to i taãe i ngëmaärü yexera ixixü. ⁵Pa Chaueneë i Cuxü Changechaüxëx, mexü cuxü erü nüxü curüngüxëe i ngëma togü i taeneëgü i toxnamana ne ixü i cuxütawa ngugüxü. ⁶Rü nümagü rü nuã nangugü, rü torü ngutaquexepataüwa nüxü nixugüe na ñuxäcü nüxü cungechaüxü rü namaã cumecümaxü.

Rü chanaxwaxe i nüxü curüngüxëe i ngëma taeneëgü i ngëxguma wena cuxütawa nangugügu. Rü ngëxguma cuxna íyaxixgu rü inüxna naxä i tacü i nüxü taxuxü i norü namawaü! Erü Tupanaärü me nixi na ngëmaäcü nüxü rüngüxëxü i norü orearü uruügü. ⁷⁻⁸Rü nümagü, rü Ngechuchu ya Cristuarü puracü nixi i naxügüxü, rü ngëmacax norü oremaã nanaxiãne. Natürü tama nanayauxgü i ngëma tama yaxögüxüärü ngüxëe, rü ngëmacax name nixi i yixema na nüxü rüngüxëegüxü na ngëmaäcü yixema rü ta wüxigu namaã naxügüxüçax i Tupanaärü puracü.

Diótepe rü chixexü naxü natürü Demétrü rü mexü naxü

⁹Choma rü marü chanaxümatü i wüxi i popera naxçax i ngëma tupaucatanüxügü i curü ñänewa ngëxmagüxü. Natürü nüma i Diótepe rü tama naga naxinüchaü i ngëma nüxü tixuxü, erü nanaxwaxe na nümatama namuäxü i ngëma tupaucatanüxü. ¹⁰Rü ngëxguma ngëma chaxüxgu rü tá nüxü chaxoregü erü tochiga i chixexümaã

inayarüdexanexũ. Rü woo tomaã na
 ngexũ nawagũxũ, rü naétüwa to i
 chixexũ naxũ, erü tama nanayauxchaũ i
 ngẽma taeneëgũ i ngẽma ngugũxũ. Rü
 nanachuxu na texé nayaxuxũ i ngẽma
 taeneëgũ. Rü yíxema nayauxchaũxẽ, rü
 ngutaquexepataũwa tüxũ ínawoxũ. ¹¹Pa
 Chaueneë i Cuxũ Changechaũxẽx, iTãxú
 i nüxũ cuyadauxũxũ i ngẽma togü i
 chixexũ ügũxũ! Natürü name nixĩ i
 nüxũ cuyadauxũ i ngẽma mexũ ügũxũ.
 Erü yíxema guxũguma mexũ úxe rü
 Tupanaxãcü tixĩ. Natürü yíxema
 chixexũ üechaxe rü tama Tupanaxũ
 tacuax. ¹²Guxũma i duũxũgü nüxũ
 ixuxgu i Demétrü rü wüxi ya mecü nixĩ.
 Rü toma rü ta nüxũ tacuax na meã naga
 naxĩnüxũ i Tupanaãrü ore i aixcüma
 ixĩxũ. Rü ngẽmacax toma rü ta nüxũ
 tixu na aixcüma mecü yĩxũ. Rü cuma

nüxũ cucuax na aixcüma na yĩxũ i
 ngẽma nüxũ tixuxũ.

Cuáũãrü ore ga nawa iyacuáxũ

¹³Choma choxũ nangẽxmachirẽx i
 muxũma i chorü ore i cumaã nüxũ
 chixuxchaũxũ, natürü tama ñaã
 poperagu cuxcax chanaxümatüchaũ.
¹⁴Erü choma rü paxa ngẽma
 chaxũxchaũ, rü ngẽxguma rü meã tá
 yigũmaã tidexagü. ¹⁵iMeã cuxũ
 naxüpetü rü tãxú i cuxoegaãẽxũ!
 Tamücügü i númacũãx rü moxẽ
 cuxcax ngẽma namugü. Rü
 chanaxwaxe i nüxũ curümoxẽ i
 wüxichigü i tamücügü i ngẽma
 ngẽxmagũxũ. Rü ngẽxĩcatama nixĩ i
 chorü ore i cumaã nüxũ chixuxũ.

*Rü nuãma cuxna,
 Cuáũ*